



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-510-4/24**
Datum: **18.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «REMONT-ZANAT» d.o.o. Doboj Istok za donošenje Rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije servisa za održavanje i popravak motornih vozila izgrađenog u naselju Brijesnica Mala, općina Doboj Istok, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «REMONT-ZANAT» d.o.o. Doboj Istok daje se vodna dozvola za ispuštanje oborinskih onečišćenih voda u prirodni recipijent sa lokacije servisa za održavanje i popravak motornih vozila, izgrađenog u naselju Brijesnica Mala, na zemljištu označenom kao k.č. broj 1910/4 K.O. Brijesnica Mala, općina Doboj Istok.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole obezbjeđuje da se oborinskih onečišćenih vode sa radnih i manipulativnih površina nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u obližnji potok.
 - 2.3. Prečišćene tehnološke vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte čija je svrha odvođenje i prečišćavanje oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.6. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj

92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 12. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «REMONT-ZANAT» d.o.o. Doboj Istok, dana 27.09.2024., podnijelo je zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije servisa za održavanje i popravak motornih vozila, izgrađenog u naselju Brijesnica Mala, na zemljištu označenom kao k.č. broj 1910/4 K.O. Brijesnica Mala, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 032-0-Reg-15-001012 od 20.07.2015. godine izdatog od Općinskog suda u Tuzli,
- Ovjerena kopija Uvjerenja o poreznoj registraciji od 10.08.2015. izdatog od Porezne uprave FBiH-Kantonalni porezni ured Tuzla,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-3145-2/107 od 09.07.2007. godine izdatog od Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-16403/15 od 30.07.2015. izdatog od Službe za statistiku za područje Tuzlanskog kantona,
- Dokaz o uplaćenju upravnoj taksi,
- Kopija Rješenja o odobrenju za upotrebu poslovnog objekta-automehaničarska radionica broj: 06/2-23-3-62/00 od 15.02.2000. godine izdatog od Službe za urbanizam, stambeno-komunalne, geodetske, imovinsko-pravne poslove i katastar nekretnina Općine Doboj Istok,
- Kopija Rješenja o odobrenju za upotrebu dogradnje poslovnog objekta-automehaničarska radionica broj: 05-23-3-2230/08 od 16.12.2008. godine izdatog od Općinske službe za prostorno uređenje Općine Doboj Istok,
- Kopija Rješenja o vodnoj dozvoli broj: 04/1-13-25-36099/18 od 21.03.2019. godine izdatog od Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-048-4/19 od 26.02.2019. godine izdatog od «Agencije za vodno područje rijeke Save» Sarajevo,
- Kopija Ugovora o odvozu otpadnih voda zaključen dana 25.06.2020. godine sa KP «PROGRES» a.d. Doboj,

- Kopija Računa za čišćenje i odvoz otpadnih voda iz septičke jame i separatora broj: 11188/2024 od 30.09.2024. godine izdatog od KP «PROGRES» a.d. Doboj,
- Izvještaj o monitoringu kvaliteta i kvantiteta otpadnih voda REMONT-ZANAT d.o.o. Doboj Istok, broj: 7-859-8632/24, decembar 2024. godine, urađen od «TQM» d.o.o. Lukavac (na uvid),
- Izvještaj o monitoringu kvaliteta i kvantiteta otpadnih voda REMONT-ZANAT d.o.o. Doboj Istok, juli 2021. godine, urađen od «TQM» d.o.o. Lukavac (na uvid),
- Projekat prikupljanja, zbrinjavanja i upavljanja otpadnim vodama sa tehničkim elaboratom za izgrađenu automehaničarsku radionicu na parceli k.č. 1910/40 K.O. Brijesnica Mala, općina Doboj Istok, broj: 0618-228/14-2 od 25.07.2014. godine urađen od Rudarsko-geološko-građevinskog fakulteta Tuzla (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-510-3/24 od 18.11.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Servis za održavanje i popravak motornih vozila izgrađen u naselju Brijesnica Mala, čine dvije automehaničarske radionice sa radno-manipulativnim i saobraćajnim površinama.
- Za predmetni objekat je od strane Agencije u ranijem postupku izdato Rješenje o vodnoj dozvoli broj: UP-I/25-3-40-048-4/19 od 26.02.2019. godine. U toku uviđaja je utvrđeno da nije bilo izmjena u odnosu na naprijed navedeno Rješenje.
- Zauljene oborinske vode sa radnih i manipulativnih površina se sistemom slivnika i kanalizacione mreže prikupljaju i odvođe u sabirni šaht te potom u trokomorni armirano-betonski separator. Preliv iz separatora je u obližnji potok.
- Čišćenje separatora vrši firma KP «PROGRES» a.d. Doboj, a kao dokaz priložen je zadnji račun za čišćenje.
- Snabdijevanje vodom je obezbijeđeno putem priključka na mjesnu vodovodnu mrežu kojom upravlja «FLUID METAL» d.o.o. Doboj Istok. Za korištenje voda i ispuštanje sanitarno-fekalnih otpadnih voda je od strane Ministarstva poljoprivrede, šumarstva i vodoprivrede Tuzlanskog kantona izdata vodna dozvola.
- Na uvid su dostavljeni Izvještaji o monitoringu kvaliteta i kvantiteta otpadnih voda decembar 2024. i juli 2021. godine, urađeni od «TQM» d.o.o. Lukavac. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «REMONT-ZANAT» d.o.o. Doboj Istok, ispunio minimum uslova za izdavanje vodne dozvole za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-510-2/24 od 12.11.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:

Rukovodilac sektora za izdavanje vodnih akata



Nihad Pezo, dipl.inž.građ.



Dostaviti:

- «REMONT-ZANAT» d.o.o.
Brijesnica Mala bb, 74206 Brijesnica Mala, Doboj Istok
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava